

Mele Kāhea

na Larry Kimura, 1987

Kū mai nei au i ka hālau loa a ʻĪ

I ka laʻi keha o Hilo i ka ua wai ola

He ola e ka makemake e waiho nei i **Mokupane**

E maliu hoʻi ka leo,

I ke ake a ko waho nei e hea aku nei e komo

ʻAuhea hoʻi e ko loko ala ē

E maliu mai ka leo kāhea ē.

Mele Komo

na Larry Kimura, 1987

Paoa ke ʻala o ka nahele o Keaukaha

I ka hoʻopulu ʻia e ka ua Kanilehua

He lehua hoʻi no ka hālau lani i ke ao

No ka ua mao ʻole hoʻi o Hilo Hanakahi

Hana haʻaheo ko Hanakahi i ka wai lani

Pūpūkahi nā pua i ke kai kuaʻau lehua o Panaʻewa

‘A‘ohe hewa o ke **aukah**i mai

A pae i ke one o ka lanakila

‘Au mai e nā lehua ē

Papa Hua'ōlelo no ke Mele Kāhea & Mele Komo

- ka hālau loa a 'Ī - 'o 'Ī ka inoa o kahi 'ohana kaulana i noho ai ma Hilo i ke au kahiko
- ka la'i - mālie; maluhia
- ke keha - kilakila; ha'aheo
- 'o Mokupane - he wahi pana ma Hilo
- ka maliu - e ho'olohe mai; e nānā mai
- ke ake - ka 'i'ini
- Paoa ke 'ala - he 'ala ikaika; aia ke 'ala o ka nahele a puni ou ke komo 'ia ia wahi
- ka ua mao 'ole - ho'omau ka ua
- ka pūpūkahi - ka lōkahi

- ke kai kuaʻau lehua - ka uluahewa o nā lehua ma Panaʻewa a pulu ka ʻāina i ka ua.
- aukahi - ka lōkahi; ka mālie